

Bosna i Hercegovina  
Federacija Bosne i Hercegovine  
Kanton Sarajevo  
**Fond Kantona Sarajevo za izgradnju stanova**  
za članove porodica šehida i poginulih boraca,  
ratne vojne invalide, demobilizirane borce  
i prognane osobe

**UPRAVNI ODBOR**

Sarajevo, 15.7.2024. godine

Broj: ZA-05/24

**Z A P I S N I K**

**5. sjednice Upravnog odbora Fond Kantona Sarajevo za izgradnju stanova**

Mjesto održavanja sjednice: Prostorije Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (u nastavku: **Fond**), Sarajevo, ul. Hivzi Bjelevca br. 54., VII sprat, sala za sastanke

Vrijeme održavanja: 15.7.2024. godine u 16,30 sati.

Prisutni članovi Upravnog odbora:

1. Jasmin Bešović – predsjednik Upravnog odbora;
2. Bernadin Hadžiabdić – član Upravnog odbora;
3. Mirza Emirhafizović – član Upravnog odbora;
4. Mak Aganović – član Upravnog odbora i
5. Amela Petrinić – članica Upravnog odbora.

Pored prisutnih članova Upravnog odbora, sjednici su prisustvovali:

1. Elvedin Lagarija – direktor Fonda;

Zapisnik vodi Muris Gazdić – sekretar Upravnog odbora Fonda.

Sjednicom predsjedava i rukovodi Jasmin Bešović, Predsjednik Upravnog odbora Fonda, koji:

- otvara 5., sjednicu Upravnog odbora Fonda;
- konstatira da sjednici Upravnog odbora prisustvuju gore navedeni članovi Upravnog odbora i lica kojima je od strane Upravnog odbora dozvoljeno prisustvo sjednici Upravnog odbora;
- konstatira da Upravni odbor posjeduje kvorum članova Upravnog odbora za odlučivanje i
- predlaže Dnevni red kao u pozivu:

**D N E V N I R E D**

1. Usvajanje zapisnika sa 4. sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe.
2. Izmjena i dopuna Finansijskog plana Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2024. godinu čiji je sastavni dio Plan prihoda i rashoda za 2024. godinu s Planom razvojnih programa – investicionim planom.
3. Odluka o izvršenju izmjene i dopune finansijskog plana prihoda i rashoda za 2024. godinu.
4. Odluka o odobravanju kreditnog zaduženja Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe.

## 5. Tekuća pitanja

Upravni odbor jednoglasno usvaja predloženi Dnevni red.

### TOK SJEDNICE

#### **Tačka 1. Usvajanje zapisnika sa 4. sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe**

Predsjednik Upravnog odbora Fonda otvara 1. tačku Dnevnog reda sjednice, te s obzirom da su materijali dostavljeni ranije kao i da su članovi Upravnog odbora upoznati sa sadržajem zapisnika, otvara raspravu po ovoj tački.

Kako nema prijava za raspravu, niti primjedaba u pogledu teksta zapisnika, predsjednik Upravnog odbora, daje na usvajanje zapisnik sa 4. sjednice Upravnog odbora.

#### **ZAKLJUČAK 1:**

Usvaja se Zapisnik o radu sa 4., sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce od 16.5.2024. godine.

**Rezultat glasanja: jednoglasno.**

---

#### **Tačka 2. Izmjena i dopuna Finansijskog plana Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2024. godinu čiji je sastavni dio Plan prihoda i rashoda za 2024. godinu s Planom razvojnih programa – investicionim planom.**

Predsjednik otvara 2. tačku Dnevnog reda i daje uvodne napomene, a potom daje riječ direktoru Fonda, koji upoznaje Upravni odbor sa pripremljenim prijedlogom izmjena i dopuna, te razlozima za pristupanje izmjenama i dopunama Finansijskog plana Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2024. godinu čiji je sastavni dio Plan prihoda i rashoda za 2024. godinu s Planom razvojnih programa – investicionim planom, detaljno obrazlažući sve pojedinačne stavke kod kojih se vrši izmjena i dopuna Plana, posebno u dijelu izmjena koje se odnose na omogućavanje servisiranja novih investicionih ciklusa, kao i pojačanih marketinških aktivnosti.

Nakon izlaganja direktora, predsjednik Upravnog odbora otvara raspravu po ovoj tački, a za riječ se javlja Amela Petrinić koja postavlja pitanje: Da li je neophodno da izmjene i dopune Finansijskog plana "prolaze" jednaku proceduru predviđenu za donošenje Finansijskog plana? Muris Gazdić – Da, neophodno je, jer se izmjene i dopune akata, u što svakako spada I Finansijski plan, uvijek vrše na način predviđen za donošenje samog osnovnog akta i u pogledu načina donošenja i u pogledu sadržaja.

Potom se za riječ javlja Mirza Emirhafizović, koji postavlja pitanje: Da li smatrate da su projekcije za 2025. i 2026. godinu realne?

Direktor Fonda – Da, smatram da su realne.

S obzirom da nije bilo daljnjih prijava za pitanja ili raspravu, predsjednik Upravnog odbora zatvara raspravu i daje na glasanje usvajanje Izmjene i dopune Finansijskog plana Fonda Kantona Sarajevo za izgradnju stanova za članove porodica šehida i poginulih boraca, ratne

vojne invalide, demobilizirane borce i prognane osobe za 2024. godinu čiji je sastavni dio Plan prihoda i rashoda za 2024. godinu s Planom razvojnih programa – investicionim planom.

**ZAKLJUČAK:**

Usvaja se Izmjena i dopuna Finansijskog plana Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2024. godinu čiji je sastavni dio Plan prihoda i rashoda za 2024. godinu s Planom razvojnih programa – investicionim planom.

**Rezultat glasanja: jednoglasno.**

---

**Tačka 3. Odluka o izvršenju izmjene i dopune finansijskog plana prihoda i rashoda za 2024. godinu.**

Predsjednik Upravnog odbora otvara 3. tačku dnevnog reda, a za riječ se javlja, sekretar Upravnog odbora Muris Gazdić koji daje kratko pojašnjenje da se predmetna odluka odnosi na prethodnu tačku i proceduralno je uvjet donijeti istu kada se usvaja ili vrše izmjene Finansijskog plana.

Predsjednik Upravnog odbora, s obzirom na dato pojašnjenje i činjenicu da je predmetna Odluka u radnim materijalima dostavljena na uvid članovima Upravnog odbora, otvara raspravu po ovoj tački, no kako nema prijava za raspravu daje na glasanje usvajanje Odluke o izvršenju izmjene i dopune finansijskog plana prihoda i rashoda za 2024. godinu.

**ZAKLJUČAK:**

Usvaja se Odluka o izvršenju izmjene i dopune finansijskog plana prihoda i rashoda za 2024. godinu.

**Rezultat glasanja: jednoglasno.**

---

**Tačka 4. Odluka o odobravanju kreditnog zaduženja Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe.**

Predsjednik Upravnog odbora otvara 4. tačku dnevnog reda i riječ daje direktoru Fonda.

Direktor Fonda, detaljno izlaže sve aspekte donošenja ove Odluke, naročito obrazlažući razloge za donošenje iste pojašnjavajući prvo, pravni osnov, a potom prezentirajući i mogućnosti i plan urednog izmirenja obaveza. Nakon okončanog opsežnog i detaljnog izlaganja Predsjednik Upravnog odbora otvara raspravu po ovoj tački.

Rasprava po ovoj tački se vodi prije svega u pravcu razmatranja urednog izmirenja obaveza po odobrenim kreditnim sredstvima, kao i sredstvima kolaterala koje banke mogu i imaju namjeru zahtijevati. Kroz samu raspravu došlo se do zaključka da je potreba za donošenjem ovakve odluke realna, te da je, u uvjetima trenutnih prodajnih aktivnosti, izvjesno i uredno servisiranje obaveza koje bi proizašle iz planiranih kreditnih aranžmana.

**ZAKLJUČAK:**

"Na osnovu člana 5., Odluke o osnivanju Fonda Kantona Sarajevo za izgradnju stanova ("Službene novine Kantona Sarajevo", br. 13/98, 13/99, 10/05, 20/05-Ispravka i 26/05-Ispravka) i člana 9., Statuta Fonda Kantona Sarajevo za izgradnju stanova ("Službene novine Kantona

Sarajevo", br. 15/98 i 11/06), a u skladu sa članom 11., Odluke o osnivanju Fonda Kantona Sarajevo za izgradnju stanova ("Službene novine Kantona Sarajevo", br. 13/98, 13/99, 10/05, 20/05-Ispravka i 26/05-Ispravka) i članom 17., Statuta Fonda Kantona Sarajevo za izgradnju stanova ("Službene novine Kantona Sarajevo", br. 15/98 i 11/06), Upravni odbor Fonda Kantona Sarajevo za izgradnju stanova, na 5. sjednici održanoj dana 15.7.2024. godine,  
d o n o s i

ODLUKU

o odobravanju kreditnog zaduženja Fonda Kantona Sarajevo za izgradnju stanova  
za članove porodica šehida i poginulih boraca, ratne vojne invalide,  
demobilizirane borce i prognane osobe

I.

Odobrava se Fondu Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (u daljem tekstu: Fond) da izvrši kreditno zaduženje Fonda uzimanjem 2 /dva/ kredita od po 2.500.000,00 KM (slovima: dvamilionaipetstotinahiljadakonvertibilnihmaraka), odnosno u ukupnom iznosu od 5.000.000,00 KM (slovima: petmilionakonvertibilnihmaraka) na period od 3 /tri/ godine sa procijenjenom vrijednošću troškova za kamatu u iznosu od 480.260,86 KM (slovima: četiristotineosamdesethiljadadvijestotinešezdesetkonvertibilnihmarakai86/100).

II.

Zadužuje se direktor Fonda da putem nadležnih službi, a u skladu i izvršenim ispitivanjem tržišta izvrši zaključenje ugovora s najpovoljnijim ponuđačem.

III.

Ova odluka važi od dana dobivanja saglasnosti od strane Vlade Kantona Sarajevo."

**Rezultat glasanja: jednoglasno.**

---

**Tačka 5. Tekuća pitanja**

U okviru tačke tekuća pitanja nije bilo prijavljenih tema.

Sjednica upravnog odbora je završena 15.7.2024. godine u 18,00 sati.

Zapisnik vodio:

.....  
Muris Gazdić

